

**Stofnanasamningur  
milli Verkalýðsfélags Akraness – VLFA og  
Heilbrigðisstofnunar á Vesturlandi á Akranesi - HVE  
um forsendur röðunar starfa við stofnunina.**

Samkomulag þetta byggir á kjarasamningi fjármálaráðherra f.h. ríkissjóðs annars vega og Starfsgreinasambands Íslands, hins vega, dags. 1.4.2023.

## **1 Gildissvið**

Stofnanasamningur þessi nær til allra starfsmanna HVE sem starfa og njóta ráðningarkjara samkvæmt kjarasamningi SGS, sbr. grein 11.1 í kjarasamningi fjármálaráðherra f.h. ríkissjóðs annars vega og SGS hins vega, dags. 1.4.2023.

## **2 Meginmarkmið**

Aðilar eru sammála um eftirfarandi markmið:

- Að launakerfið verði sveigjanlegt og ákvarðanir um launaröðun séu teknar með málefnalegum hætti og stuðli að jöfnun launa fyrir sambærileg störf, án tillits til kynferðis.
- Að launakerfið nýtist sem stjórntæki til að ná fram markmiðum stofnunarinnar
- Að launakerfið feli í sér tækifæri fyrir framgang í starfi
- Að launakerfið opni fyrir þann möguleika að starfsmenn geti samið um fastar greiðslur sem ekki eru hluti af grunnlaunum séu teknar inn í föst laun.

## **3 Forsendur röðunar**

Við ákvörðun um röðun starfa til launa skal taka tillit til eðlis starfsins, ábyrgðar og umfangs og miða við að um sé að ræða viðvarandi /stöðugt verksvið.

Taka skal tilliti til faglegrar, stjórnunarlegrar og/eða fjárhagslegrar umsjónar og álags og hvaða kröfur starfið gerir til faglegrar/fræðilegrar hæfni/færni starfsmanns. Röðun skal byggð á hlutlægum mælikvörðum eftir því sem unnt er.

## **4 Starfaflokkun til launa og grunnröðun:**

## **Grunnröðun**

Starf A.....	8-1
Starf B .....	9-1
Starf C.....	9-2
Starf D.....	14-1

Skilgreiningu á starfaflokkun þessari er að finna í fylgiskjali 1, með samningi þessum.


Til viðbótar við grunnröðun skal taka mið af persónubundnum þáttum í starfi, sbr. lið 5 hér á eftir. Auk þess sem aðrir þættir geta haft áhrif á röðun starfa til launa sbr. lið 4.

## **5 Annað**

Stofnun er heimilt að meta til viðbótar við starfaflokkun samkvæmt fylgiskjali 1 eftirfarandi þætti, enda hafi ekki verið tekið tillit til þeirra í grunnröðun starfsins:

- Hvort starfið sé umfangsmikið / fjölþætt ..... 0 - 1
- Hvort starfið feli í sér sérstaka ábyrgð ..... 0 - 1
- Hvort starfið feli í sér flókin eða vandasöm verkefni..... 0 - 1
- Hvort krafist sé sérstakrar hæfni umfram það sem almennt gerist..... 0 - 1

Ennfremur er stofnun heimilt að taka mið af öðrum þáttum í starfi sem skipta máli fyrir deild/stofnun.



## 6 Mat á þáttum er varða starfsmann

### Fjöldi þrepa

**Starfsmaður sem uppfyllir eftirfarandi þætti skal fá þá metna til allt að:** 7

**Menntun.....** 2

- Skipulagt eins til þriggja ára nám starfsmanns ..... 1
- Framhaldsskólapróf ..... 1

**Endur- og símenntun allt að .....** 4

- Starfsmaður sem sótt hefur samtals 30 kennslust.  
námskeið sem nýtist í starfi ..... 1
- Starfsmaður sem sótt hefur samtals 60 kennslust.  
námskeið sem nýtist í starfi ..... 1
- Starfsmaður sem sótt hefur samtals 90 kennslust.  
námskeið sem nýtist í starfi ..... 1
- Námskeið á vegum HVE á tveggja ára fresti..... 1

### Fjöldi flokka

**Starfsreynsla allt að .....** 4

- Starfsreynsla eftir 3 ár í starfi á HVE eða í sambærilegum störfum .... 1
- Starfsreynsla eftir 6 ár í starfi á HVE eða í sambærilegum störfum .... 1
- Starfsreynsla eftir 9 ár í starfi á HVE eða í sambærilegum störfum .... 1
- Starfsreynsla eftir 12 ár í starfi á HVE eða í sambærilegum störfum .. 1

Heimilsstörf má meta frá 19 ára aldri til allt að 7 ára starfsreynslu, enda séu önnur störf á sama tíma ekki metin sem starfsreynsla. Samstarfsnefnd setur nánari reglur um mat á viðbótarmenntun og skilyrði fyrir launahækjunum vegna viðbótarmenntunar.

## 7 Réttur til endurmats á röðun starfs

Telji starfsmaður að honum sé ekki rétt raðað miðað við fyrirliggjandi forsendur á hann rétt á að fá röðun sína endurmetna. Ágreiningsmálum skal skotið til samstarfsnefndar, sbr. 11. kafla kjarasamnings aðila.

## 8 Endurskoðun


Endurskoða skal samninginn samkvæmt 11. kafla kjarasamnings SGS og fjármálaráðherra. Einnig er heimilt að taka til endurskoðunar einstök ákvæði samningsins hvenær sem er, ef aðilar eru sammála um það.

## 9 Gildistími

Stofnanasamningur þessi tekur gildi frá 1. apríl 2023. Samningsaðilar stefna að endurskoðun samnings á tveggja ára fresti.

Akranesi, 15. september 2023

f.h. HVE  


f.h. VLFA - stéttarfélags  


## Fylgiskjal 1 með stofnanasamningi VLFA og HVE frá 15. september 2023.

### Starfaflokkun með tilliti til launaröðunar.

Starfaflokkun byggir á störfum á HVE eins og þau eru skilgreind við undirritun samnings þessa.

#### Starf A

- Störf við ræstingu, í eldhúsi, þvottahúsi, býtibúri eða skurðstofu.

#### Starf B

- Störf við aðhlynningu eða umönnun eða störf skv. nánari skilgreiningu stofnunar.

#### Starf C

- Störf við afgreiðslu / móttökuritari.

#### Starf D

- Sérhæfð og/eða fjölbreytt störf skv. nánari skilgreiningu stofnunar.

### Námskeið á vegum HVE.

Námskeiðin verða haldin á vegum HVE í það minnsta á tveggja ára fresti. Starfsmaður fær 1 þrep fyrir hvert námskeið þar til hámarskfjölda þrepa samkvæmt grein 6 um endur- og símmenntun er náð. Námskeiðin geta t.d. fjallað um smitvarnir, sóttvarnir, líkamsbeitingu, tölvunotkun og fleira sem gagnast í starfi hverju sinni.

Ef námskeið eru ekki haldin á umræddu tímabili, þá komi umræddar þrepa hækkanir til hækjunar. Sæki starfsmaður ekki námskeið eftir að hann hefur fengið hækjun, þá fellur sú hækjun niður.